

Liedtext von **Timo Brunke**, Wortkünstler, Dichter und Autor, auf der 555. Montagsdemo<sup>1</sup> am 15.3.2021

## Ein Loch ist im Bahnhof

Liebe Leute,

viele von euch werden sich an den Volksschlager des Medium-Terzetts erinnern, von dem Loch im Eimer, o Henry, o Henry, o Henry. Auch mit Reinhard Mey und Reinhard Fendrich gibt es eine legendäre Einspielung, alles auf YouTube leicht nachzuschauen – falls ihr mal was ganz Leichtes zum Lachen braucht. Hier in Stuttgart haben die Menschen über weitaus schwerere Kaliber abzulachen als über ein Loch im Eimer, allen voran über „Schnapsidee Stuttgart 21“.

Ich setze mich jetzt für euch auf das alte Lied vom Loch im Eimer drauf und schlingere so wie eine besoffene Drohne über den Tatsachen des größten Schlamassels der Stuttgarter Baugeschichte. Schön Prösterchen!

Ein Loch ist im Bahnhof, Freund Großkopf, Freund Großkopf  
Ein Loch ist im Bahnhof, Freund Großkopf, ein Loch.

was sonst wohl o Schlaule, o Schlaule, o Schlaule  
was sonst wohl, o Schlaule, o Schlaule, ganz genau.

Womit soll man's stopfen Freund Großkopf, Freund Großkopf,  
Womit soll man's stopfen? Freund Großkopf, womit?

mit ma Bahnhof, o Schlaule, o Schlaule, o Schlaule  
oder sag mr: mit ra Haltestelle – sag, willsch ao a Schnäpsle, Schlaule, hä? –  
und a paar Bullauge drauf!

Und die Gleise dort oben, Freund Großkopf, Freund Großkopf  
– ja, i trink ois mit aber bloß ois –

Und die Gleise dort oben, Freund Großkopf, Freund Großkopf – Proschd!

Des'sch allerfeinschder Baugrund, mei Schlaule, mei Schlaule  
Des'sch allerfeinschder Baugrund, mei Schlaule – Proschd! – mei Schlaule,  
hau se weg, die Gleise!

Ond wo fahred na die Züge, Freund Großkopf, Freund Großkopf,

Ond wo fahred na die Züge, Freund Großkopf, Freund Großkopf, wo fahred die denn?

Der'sch aber gut, da würd ich no oin trinke, Karl-Friedrich...

Ha, da grab mr lauter Tunnel, o Schlaule, zu dem Loch na  
Ha, da grab mr lauter Tunnel, o Schlaule, o Schlaule  
mi'm Herreknecht seine Knecht'!

---

<sup>1</sup> ab 21.12.2020 wegen Corona-Pandemie jeweils Montags, 18 Uhr, wieder online:  
<https://www.parkschuetzer.de/videos/>



Ond wenn die Gleise dann schräg lieget, Freund Großkopf, Freund Großkopf  
Ond wenn die Gleise dann schräg lieget, Freund Großkopf, Freund Großkopf, was dann?

Na trink ma no a Schnäpsle, o Schlaule, mei Angsthas,  
Na trink ma no a Schnäpsle, o Schlaule, mei Angsthas,  
*Ond schon wird des Schepse wieder grad!*

*Ein vorzüglicher Brand, mein Lieber... ach so!*

Und was wenn's mal brennt, Freund Großkopf, Freund Großkopf  
Und was wenn's mal brennt, Freund Großkopf –

– ond wenn's in dene enge Musröhre zom Brenne anfängt?  
Dann halt halt die Luft an, o Schlaule mei Bedenketrägerle,  
Dann halt halt die Luft an, Freund Schlaule, – ond lauf!

*Aha, schenk no amole ei, ein ganz fein's Wässerle, gwieß wahr... – Au, apropos,*

Und was, wenn's stark regnet, du Freund Großkopf, mein Freund Großkopf,  
Und was, wenn's da saumäßig nei schifft onds Grondwasser em Talgrond,  
woisch, wie ich moin'!

Dann reis' halt mit ma Schwimmring o Schlaule  
Dann reis' halt mit ma Schwimmring o Schlaule

*So, ond jetzt mache mir ons scho amole von inne nass... Proschd!*

Du, aber sag amal: reiched denn die acht Gleise, du Freund Großkopf  
Du, aber sag amal: reiched denn die acht Gleise, du Freund Großkopf des sind ja bloß acht...

Jetzt trink halt a weng weiter, du Schisser,  
Jetzt trink halt a weng weiter, du Schisser, bis de doppelt siehst!  
Dann hasch wieder genau so viel! – PROSCHD!

Und was soll der Spaß denn koste, Freund Großkopf, Freund Großkopf  
Und was soll der Spaß denn koste, Freund Großkopf, wie viel?

Isch nicht mein Geld, Freund Schlaule, deins au net  
Isch nicht mein Geld, Freund Schlaule, deins au net  
Abers s'fällt bestimmt was für di ab, Freund Schlaule, ganz bestimmt...

Und wenn des aber rauskommt, Freund Großkottz, Freund Großkottz  
Und wenn des aber rauskommt, Freund Großkottz, Freund Großkottz, was dann?

„Schnaps, das war sein letztes Wort, dann trugen ihn die Englein fort...“

Und wenn des alles hops goht, Freund Großkottz, äh Großkopf  
Und wenn des alles hops goht, Freund Großkottz, äh Großkopf, was dann?

No flute mir den Gruschd mit Schnaps du Schlaule, du Grasdackel,  
No flute mir den ganze Krembel mit Schnaps du Sembel  
– ond PROSCHD Stuegerd, Heidestuegerd, Proschtatta!